

An Bhéaltriail

Tá eolas faoin mBéaltriail le fáil in Imlitir S90/2010. Seo soiléiriú breise.

1. Mairfidh an Bhéaltriail 15 nóiméad. Beidh ceithre chuid ann: Fáiltiú, Léamh na filíochta, Cur síos ar shraith pictiúr, Comhrá.

- (a) Is mar seo a roinnfear na marcanna:
Fáiltiú: 5 mharc; Léamh na filíochta: 35 marc;
Cur síos ar shraith pictiúr: 80 marc; Comhrá: 120 marc.

Tábla 1			
An Bhéaltriail		Am (nóiméid)	Marcanna
1	Fáiltiú	1	5
2	Léamh na filíochta	2	35
3	Cur síos ar shraith pictiúr	4	80
4	Comhrá	6 go 8	120
		15	240

Maidir leis an am atá luaite thuas níl ann ach treoir. Ní mhairfidh aon bhéaltriail níos faide ná 15 nóiméad; mar sin caithfidh scrúdaitheoirí agus iarrthóirí cloí le struchtúr réasúnach ama. Má tharlaíonn go bhfuil iarrthóir críochnaithe le mír áirithe níos tapúla ná mar atá luaite anseo níl a bhac ar an scrúdaitheoir bogadh ar aghaidh go dtí an chéad mhír eile. Mar a' gcéanna má tá iarrthóir ag dul thar am ag plé le mír éigin, (na pictiúir is dóichí a bheadh i gceist anseo), caithfidh an scrúdaitheoir críoch a chur leis an gcuid sin den scrúdú agus bogadh ar aghaidh.

- (b) Sonraí pearsanta a bheidh á lorg san fháiltiú: cúig mhír eolais – ainm, aois, seoladh baile, dáta breithe, scrúduimhir.
- (c) Iarrfar ar na hiarrthóirí ceann amháin de na cúig dhán *ainmnithe* ón gcúrsa comónta litríochta (Gnáthleibhéal agus Ardleibhéal) a aithris nó a léamh os ard. Inniúlacht an iarrthóra maidir le tuiscint ar an dán, le cruinneas foghraíochta agus le rithim na cainte a bheidh á dtástáil sa chuid seo. An scrúdaitheoir a roghnóidh an dán **agus** na véarsaí atá le léamh. Beidh cead ag an iarrthóir a chóip féin den dán a úsáid. Ní thabharfar aon am don iarrthóir an t-ábhar a ullmhú istigh sa scrúdú. Nó go bhfógrófar a mhalairt is iad na dánta atá i gceist: *Géibheann* (an dán go léir); *Colscaradh* (an dán go léir); *Mo Ghrá-sa (Idir Lúibíní)* (trí véarsa ar bith); *An tEarrach Thiar* (dhá véarsa ar bith); *An Spailpín Fánach* (dhá véarsa ar bith). Meabhraítear do na múinteoirí agus do na hiarrthóirí go bhfuil staidéar le déanamh ar na véarsaí uile sna dánta thuas luaite agus go mbeidh na véarsaí uile san áireamh sa bhéaltriail agus sa scrúdú scríofa. Nuair a bheidh an scrúdaitheoir ag roghnú véarsaí áirithe as dán, seachas an dán go léir, roghnóidh sé véarsaí as a chéile, véarsaí a leanann a chéile, is é sin véarsaí 1 agus 2 nó véarsaí 2 agus 3 seachas véarsaí 1 agus 3.
- (e) Beidh fiche leathanach A4 de phictiúir ann agus sraith de shé phictiúr ar gach leathanach díobh. Roghnófar leathanach A4 amháin go randamach istigh sa scrúdú. An scrúdaitheoir a roghnóidh an tsraith pictiúr a bhfuil cur síos le déanamh uirthi. Tabharfar sos gairid ullmhúcháin, c30 soicind, don iarrthóir sula n-iarrfar air/uirthi tosú ar an gcur síos. Chomh maith le cur síos a dhéanamh

ar an tsraith pictiúr ar an leathanach A4 roghnaithe, beifear ag súil leis go gcuirfidh an t-iarrthóir agus an scrúdaitheoir líon beag ceisteanna ar a chéile faoi ábhar na bpictiúr éagsúil ar an leathanach. Tabhair faoi deara go mbeifear ag súil leis go mbeidh sé ar chumas an iarrthóra ceisteanna a chur chomh maith le ceisteanna a fhreagairt. Beifear ag súil leis mar sin go mbeidh *idirghníomhaíocht* sa chuid seo den scrúdú. Nuair a bheidh an cur síos críochnaithe ag an iarrthóir cuirfidh an t-iarrthóir trí cheist ar an scrúdaitheoir. Ansin cuirfidh an scrúdaitheoir trí cheist eile ar an iarrthóir.

- (f) Comhrá ginearálta, mar atá ann faoi láthair, a bheidh sa chuid dheireanach den scrúdú. Tosófar leis an ngarthimpeallacht ach leathnófar ábhar an chomhrá amach ag brath ar chumas an iarrthóra. 75 marc a bheidh ag gabháil leis an Stór Gaeilge (inniúlacht an iarrthóra ar réimse agus ar fhairsinge an stóir focal atá aige/aici a léiriú), 45 marc ag gabháil leis an gCumas Gaeilge (líofacht agus cruinneas na Gaeilge). Beifear ag súil leis mar sin go mbeidh *idirghníomhaíocht* sa chuid seo den scrúdú.

2. Marcáil na Béaltrialach

- (a) **Fáiltiú:** 5 mharc ar 5 pháosa eolais;

- (b) **Aithris na filíochta:** 35 marc.

An Trian Uachtair: Iarracht an iarrthóra sa réimse **an-mhaith** go dtí **sármhaith** ó thaobh rithime agus foghraíochta agus sothuigtheachta de, marc cuí idir 24 agus 35. (A nó B)

An Trian Láir: Iarracht an iarrthóra sa réimse **measartha** go dtí **maith** ó thaobh rithime agus foghraíochta agus sothuigtheachta de, marc cuí idir 14 agus 23. (C nó D)

An Trian Íochtair: Iarracht an iarrthóra sa réimse **an-lag** go dtí **lag** ó thaobh rithime agus foghraíochta agus sothuigtheachta de, marc cuí idir 0 agus 13. (E, F, N/G)

Tábla 2		
Grád	Aicme	Marc
A	Sármhaith	29-35
B	An-mhaith	24-28
C	Maith	19-23
D	Measartha	14-18
E	Lag	9-13
F N/G	An-lag	0-8

- (c) **Cur síos ar shraith pictiúr:** 80 marc.

An Trian Uachtair: Iarracht an iarrthóra sa réimse **an-mhaith** go dtí **sármhaith** maidir le cuntas a thabhairt ar an tsraith pictiúr agus máistreacht a léiriú ar cheisteanna a chur agus a fhreagairt agus tuairimí a chur in iúl – marc cuí idir 56 agus 80.

An Trian Láir: Iarracht an iarrthóra sa réimse **measartha** go dtí **maith** maidir le cuntas a thabhairt ar an tsraith pictiúr agus máistreacht a léiriú ar cheisteanna a chur agus a fhreagairt agus tuairimí a chur in iúl – marc cuí idir 32 agus 55.

An Trian Íochtair: Iarracht an iarrthóra sa réimse **an-lag** go dtí **lag**, agus an cuntas gairid, lag, gan a bheith forbartha, briseadh sa chumarsáid, cumas teoranta – marc cuí idir 0 agus 31.

Tábla 3		
Grád	Aicme	Marc
A	Sármhaith	68-80
B	An-mhaith	56-67
C	Maith	44-55
D	Mearartha	32-43
E	Lag	20-31
F N/G	An-lag	0-19

Déanfar trí chuid de na marcanna ar na sraitheanna pictiúr: cur síos cumarsáideach as 50 marc: cé chomh maith agus a rinneadh cur síos ar a raibh sa tsraith pictiúr; máistreacht ar cheisteanna a chur agus a fhreagairt as 10; cruinneas/cumas Gaeilge as 20: cé chomh beacht agus a bhí Gaeilge an iarrthóra.

Maidir leis na marcanna brisfeadh síos mar seo iad: 50 ar chuntas (cumarsáid); 10 ar cheisteanna a chur agus a fhreagairt (ceisteanna); 20 ar chruinneas (caighdeán na Gaeilge).

I gcás iarrachtaí sármhaithe tabharfar marcanna ó 42 go 50 (Grád A); an-mhaith ó 35 go 41 (Grád B); maith ó 27 go 34 (Grád C); measartha ó 20 go 26 (Grád D); lag ó 12 go 19 (Grád E); an-lag ó 0 go 11 (Grád F N/G).

Déanfar an roinnt chéanna ar na marcanna a bheidh ar fáil do chumas na Gaeilge, nó do chaighdeán na teanga, saibhreas agus cruinneas. (Tábla 4 thíos)

Tábla 4			
Grád	Aicme	Stór Gaeilge Cumarsáid 50	Cumas Cruinneas 20
A	Sármhaith	42-50	17-20
B	An-mhaith	35-41	14-16
C	Maith	27-34	11-13
D	Mearartha	20-26	8-10
E	Lag	12-19	5-7
F	An-lag	0-11	0-4

(d) Comhrá Ginearálta

75 marc ar Stór Gaeilge (Cumarsáid); 45 marc ar Chumas teanga (Cruinneas). Marcáil mar atá faoi láthair: 6 aicme sa dá chatagóir: A – sármhaith; B – an-mhaith; C – maith; D – measartha; E – lag; F – an-lag.

Tábla 5			
Grád	Aicme	Stór Gaeilge	Cumas
A	Sármhaith	64-75	39-45
B	An-mhaith	53-63	32-38
C	Maith	42-52	25-31
D	Mearartha	30-41	18-24
E	Lag	19-29	12-17
F	An-lag	0-18	0-11

